

日本外史

和書門
類 五 函 三 架 二 冊 一

127
内閣文庫
和書類
五號
一函
二冊
一架

内閣文庫		
番號	和	105
冊數	12 (1)	
函號	140	127



糊などで貼り付けられている部分がめくれない箇所あり

太政官文庫			
共	史	初	
十	四	書	
二	九		
冊	架	函	號
			甲
			門

本外史

賴氏藏板




おのころの成志をいかに
 せんかすれはあつらへ
 はなすまうしをうまふ
 そのちをわらうものか
 層々評議をいひあはせ
 かしきんをいひあはせ

至れハ穂苗うきくその中を
うきくゆつて朕此のあよみ
けきとやうても能く事平れ
て事なまかしくそねくまの
あかふおまゝやいさむとむら
うにゆかるとひそくまきく

能くあかひの福といふあき
文政十二年正月 風月

右樂翁老侯索外史後二年題其簡首者其近臣
田内主税騰寫来示秘藏於家此其副也

賴襄謹識



外史例言

此書本欲志將家興廢以爲闡外一典然元弘延
 元之後附屬官軍者不可謂之非武族而略焉元
 龜天正之際割據方隅者不可謂之非元帥而舍
 焉舍焉略焉則當時之事有不觀其全者矣平氏
 始之北條氏終之闕此二者源氏之事亦爲不備
 故源足利織田豐臣四家與我德川氏則卷分上
 下或成數卷而其餘者皆單一卷以見差別不附
 其後而插其間者欲使讀者覽成敗分合之次第
 也

[Faint handwritten text in cursive script, likely bleed-through from the reverse side of the page.]

一此書要詳各家興廢。以資覽觀。不敢立本紀。如正史。特其中。以帝王年號。幾年幾月。表明條理耳。嘗欲作年表大事記。冠之。未果也。


一署正記前後記者。以示名分。不可混也。使觀者勿以獎姦雄譏之。

一中世以還。風氣東遷。歷數興廢。而後大成於我德川氏。致今日太平極盛之治。生於今日者。不詳從前喪亂。或不自知其生之幸也。讀此書者。自首卷漸次覽閱。以至末編。自能見之。不必喋喋頌贊也。

一以國朝例言之。源平為姓。足利北條為氏。以西土例言之。源平為氏。足利北條為族。要不可混也。然列而稱之。因襲既久。常藩之史。亦無所分。今亦循其例。曰某氏某氏。不復甄別。讀者詳其事跡。不患不辨之矣。

一中興諸將。以楠氏為主。自餘隸之。新田氏又未嘗膺上將之位。而置之足利氏之上。雖兵部卿之親。北畠氏之貴。皆繫其中。不復拘其資望崇卑。及相統屬與否。蓋正史自有體裁。不可得云云。此以家乘。故得伸其私心。以發幽光耳。

一近古雄長。不止四族。如里見佐竹伊達最上之於



東大友島津龍造寺長曾我部之於西。皆是然土
地之大事跡之繁。莫之與京。或暴致強大。亦旋興
旋廢。而其事不必關係天下治亂。則不復別記。特
於四氏語中互見之。

一武田上杉。以敵國合其傳。似不倫也。然不如是。莫
以能盡其爭鬪之情狀。如太史公叙魏其武安之
意。

一近時諸儒。於非君非臣之間。別造名號。左支右吾。
議論蠡起。雖曰崇之。其實黷之。襄則不敢焉。今之
所著。斷然據左氏紀齊晉。漢書紀霍氏之例。皆用

見今公行之名。以直書其實名實之際。使讀者自
見之不復私撰稱謂。以昧後世耳目。抑吾輩文字。
何于天下名義。然自我亂之。亦心所懼。後之君子
必有取此言焉。

一歸有光云。史記合傳。本是一滾寫。分頭別項。出於
後人。此說爲是。然分其頭緒。可便省覽。此書合傳。
倣史記體。而寫樣故仍俗本。如楠氏及武田上杉
是也。

一此書倣史記世家。而詳略迥異。猶包三國諸臣傳
於劉曹孫語中。又不殺其事跡。而務省約。故致卷

冊彭亨。頭緒煩數。讀者靜心熟閱。不患不了了。蓋此間有宇宙未曾有之國勢。叙之當用宇宙未曾有之文體。

一源平諸臣。系譜本末。就各語中。首尾照管。略使可概見。細川上杉等之於足利氏亦然。至於今時列國之先。毛利長尾等。自有別志。其餘錯出於織田豐臣德川三家中。至德川氏勲舊。則具於德川語中。皆是例也。

一中世以後。將士有濫稱官號代字者。有通稱小字者。今槩從刪殺。獨舉姓字。尚簡省也。其間又有以字著稱者。又有事跡中須舉字者。特表之。其他當俟異日。盡注其傍。

一各家事跡。有甲是乙非。疑出愛憎者。其無大異同者。兩存各語中。使讀者照對審察。

一叙是傳。則稱謂言語。皆如私是人。是紀傳體耳。如史記傳項羽。不得為當代變其體。觀此書者。幸諒之。

一古史於當代之事。不必提書闕字闕畫。蓋史體為然。又臨文不講之意也。為之者。始於明清。雖臣子之禮。而近於繁縟佞諛。今不敢從。

一父母之邦。稱呼異例。亦私書之體耳。觀者諒之。
 一古人云。讀史記。一事。紀中有之。傳中亦有之。易於
 記識。如通鑑。一見輒沒了。是紀傳之所長也。如此
 書叙關原一役。織田豐臣毛利上杉。皆舉其概略。
 而後特詳於末編。不避重複。其他皆類此。

一自幼至老。所嗜在此。所讀不下數百部。就中常藩
 國史成績。及東府諸家所著。引證宏博。考索明覈。
 故因以為根據。力可及者。盡檢其所原。時補萬一
 之遺。又有私心不敢從者。不盡疏辨。極知其多疏
 繆脫誤。又照管不及。交相矛盾者。竝正於博雅耳。

一凡事跡。領其大意。而馳騁顛倒。期於明瞭。故不能
 一一注其所出。


一凡叙事。雖已入前人雅文者。其可變者變之。以成
 一家言。然事詞允當。不可易者。不得不依舊。非敢
 勦襲也。大抵王明白質實。直寫情勢。不敢文飾。
 一序論論贊。皆言其不可已者。自叙編述之意。或取
 與叙事相發。不敢甚高論。卽有與前人雷同者。亦
 存而置之。不必標新領異。

子成氏識

其言雖近狂
 其澹泊無求
 可知也雖然
 魏公是時猶
 當路秉權人
 將疑轍之有
 求焉閣下今
 代之魏公也
 而勇退高蹈
 久處閑地使
 轍於魏公則
 徒仰而心嚮
 之而已今茲
 尊嫡君

布衣賴 襄謹再拜白

少將樂翁公閣下。襄嘗讀宋蘇轍上韓魏公書。愛之。以為自昔進言於當世王侯者。大抵有求而自售。識者所醜。獨轍偉魏公人物。比之名山。大川。欲接其言貌。以養已作文之氣。言雖近狂。其澹泊無求。可知也。雖然。魏公是時。猶當路秉權。人將疑轍之有求焉。閣下今代之魏公也。而勇退高蹈。久處閑地。使轍於魏公。則徒仰而心嚮之而已。今茲尊嫡君



侯膺

幕命入朝謝

大拜之恩。襄伏在草莽。側聞盛事。而不圖邸吏帶閣

下之命。來就襄家。取所著私史。欲賜覽觀。禮

意殷勤。愧悚交至。夫襄不敢求於

閣下。而

閣下求於襄。襄之榮大矣。復何所嫌而辭避乎。

雖未接警欵聞。其詞命亦可以自壯。於是

忘其蕪穢。出以納下執事。又敢有所瀆告。轍書

稱。史遷文有奇氣。他日自作古史。則論遷之疎

帝略輕信淺陋無識。夫遷官太史。總領天下文籍。

猶不免疎略之譏。况如襄以寒陋一書生。獨力

罔羅古今。其不自揣而招大方嗤笑。必也。然少

小嗜讀國乘。每病常藩史之浩穰。又恨其有闕。

至近代之事。與夫

隆治之所由。非無先輩撰著。又未有晰其端緒。綜

各家終始者。於是私做遷史世家。而加詳備。斷

自源平氏。至於今代。間以中興諸將。及割

據郡雄。關係治亂者。家別紀之。或錯而合之。要

覽其成敗盛衰之狀。與臣屬謀戰忠邪之跡。取

其大禮最明確者。若夫博引旁搜。辨折錙銖。世自有其人。以爲非襄輩所及也。至其義例。蓋亦有貽淺陋之嘲者。事繫一姓之下。而不有統紀以總之。列將家而雜以雄長。舉今代而稱謂論說。如欠尊崇者。是自有說焉。夫右族迭興。甲起乙仆。以成海宇之沿革。而事不必關於王室者。我中世以還之國勢也。故依實創體。以形世變。而其中貫以

帝系年號。以表條理。至大義所繫。必用特書。雖厠權

豪於元帥。隨成敗次第。而因署題以見統屬。而載之事實。名分截然。讀者自能見之。至若

今代稱謂。則謹據

奕葉名爵天下公行之稱。名實輕重。按跡可知。不

敢私撰名號。以贖今代而昧後世耳目。閱

首至尾。睹其得失之相形。明其分裂統合之所

漸。則今日無前之

功德。有不待言者。又不敢喋喋頌贊。使人疑其諛

與溢。自謂敬之至也。凡是襄區區撰述之本意。

不可不爲

閣下一言之野人朴直。以所謂無求之心。著書取其簡約。自便省覽。始非謀公之世也。所以引据剪裁。皆成一家私乘之體。至寫錄體貌。又一倣古史。不肯學輓近之文縟。是以拮据二十餘年。藏之篋笥。未嘗示人。今乃得

閣下之寓目。以取信於天下後世。真意外之幸也。襄雖無求於今日。而不無求於千百載。非經大賢之鑒識。不足以保其傳也。然苟得流傳。不別今與後。其損益於世道人心。尤不可不加謹。襄也病羸不能効力父母之邦。况敢望有益於世。然

生遭此極盛之運。以其庸陋之筆墨。裨補萬一焉。則不負為太平之民也。蘇轍謂魏公苟以為可教而教之。則幸矣。

閣下其亦有以教襄焉。冒瀆尊嚴。惶懼無已。文政十年丁亥五月廿一日。布衣賴襄謹再拜白。



太平記綱目

櫻雲記

伯耆卷

菊池軍記

關城書

保曆間記

梅松論

花營三代記

足利治亂記

室町殿日記

明德記

應永記

富士御覽記

北山行幸記

椿葉記

永亨行幸記

長祿寬正記

嘉吉記

結城戰場物語

應仁記

應仁略記

應仁別記

重編應仁記

文明一統記

鎌倉大艸紙

細川勝元記

細川政元記

三好成立記

三好別記

松永記

十河物語

穴太記

光源院記

赤松記

北條五代記

房總治亂記

豆相記

相州兵亂記

河越記

國府臺前記

國府臺後記

北條早雲箇條書

里見軍記

蘆名記

伊達成實記

最上記

山形記

東國太平記

甲亂記

甲陽軍鑑

武田三記

北越軍記

謙信軍記

河中島合戰記并圖

北國太平記

上杉輝虎注進狀

中國治亂記

陰德太平記

江就記

毛利家記

筑紫軍記

別所長治記

長曾我部元親記

九州治亂記

信長記

織田真記

立入宗繼記

太閤記

天正記

豐鑑

小松記

富樫記

淺井軍記

朝倉軍記

江北記

江濃記

蒲生氏鄉記

惟任退治記

柴田退治記

余吾莊合戰覺書

日本外史 三河物語 島津家記 朝鮮征伐記 朝鮮軍記 高麗陣日記 清正記 黑田長政記 將士美談 武家閑談 武將感狀記 武家盛衰記 故老物語

紀州發向記

島津家記

朝鮮軍記 并圖

朝鮮征伐記

高麗陣日記

朝鮮物語

清正記

前田軍記

黑田長政記

細川忠興記

將士美談

武邊物語

武家閑談

武者物語

武將感狀記

武家高名記

武家盛衰記

老人雜話

故老物語

大河内秀綱物語

三河記

三河物語

松平譜

德川記

創業記

藤澤寺緣起

松榮紀事

家忠日記

增補追加家忠日記

關原記

關原軍記 并圖

關原記大全

關原外記

石田記

石卯餘史

駿府政事錄

東照宮御遺訓

御遺訓附錄

御遺誠

慶長記

日本外史 三河物語 島津家記 朝鮮征伐記 朝鮮軍記 高麗陣日記 清正記 黑田長政記 將士美談 武家閑談 武將感狀記 武家盛衰記 故老物語

日本外史 引用書目 四

慶長一統記

慶長日記

元和記

四戰紀聞

三形原合戰記并圖

小牧合戰圖

大坂記

大坂軍記并圖

難波戰記四種

冬夏日記

秀賴記

大坂首帳

若江合戰記

大坂冬夏陣覺書

樫井合戰記并圖

淺野家記

淺野家臣記

小幡景憲事記

酒井家記

本佐錄

落穂集

玉露叢

玉滴隱見

岩淵夜話

武野燭談

柳營秘鑑

諸家大秘錄

諸家深秘錄

君臣言行錄

續日本紀

續日本後記

文德實錄

三代實錄

令義解

類聚三代格

延喜式

姓氏錄

三善清行意見封事

職原鈔

皇胤紹運錄

尊鼻分脈
公卿補任

武家叙任
大系圖

武家大系圖
足利系圖

細川系圖
德川系圖

上杉系圖
貞永式目

建武式目
知譜拙記

主圖合結
武鑑五種

水鏡
扶桑略記

世繼物語
榮華物語

續世繼物語
增鏡

宇治拾遺
玉海

百鍊鈔
愚管鈔

古事談
續古事談

著聞集
十訓鈔

徒然艸
愚昧記

後愚昧記
康富記

親元記
祇園執行日記

東寺執行日記
吉野拾遺

義貞記
菊池武朝申狀

吉野事書案
新葉集

日本外史 引月書目

六

東氏藏

宗良親王集

大日本史

大日本史贊藪

國史實錄

烈祖成績

藩翰譜

王代一覽

鎌倉將軍譜

京都將軍譜

織田信長譜

豐臣秀吉譜

東照宮年譜

年譜附尾

武德大成記

武德安民記

武德編年集成

東遷基業

東遷成基

大業廣記

元史

明史

明史紀事本末

懲愆錄

皇明通紀

皇明實紀

兩朝平壤錄

中山傳信錄

和漢合運

異稱日本傳

水下長嘯集

羅山集

讀史餘論

五事略

保建大記

本朝通紀

中興鑑言

制度通

南留別志

駿臺雜話

日本外史 引月書目

七

賴氏藏

日本外史

引序書目

七

東洋書院

通語

逸史

常山紀談

稱謂私言

常山紀談

稱謂私言

常山紀談

稱謂私言

常山紀談

稱謂私言

常山紀談

稱謂私言

常山紀談

稱謂私言

常山紀談

稱謂私言

常山紀談

稱謂私言

常山紀談

稱謂私言

日本外史目次

卷之一

源氏前記

平氏

卷之二

源氏正記

源氏上

卷之三

源氏正記

日本外史

目次

源氏正記

日本外史

目次

賴氏藏

源氏下

卷之四

源氏後記

北條氏

卷之五

新田氏前記

楠氏

卷之六

新田氏正記

新田氏

卷之七

足利氏正記

足利氏上

卷之八

足利氏正記

足利氏中

卷之九

足利氏正記

足利氏下

卷之十

日本外史

目次

賴氏藏

日本外史

目錄

三

賴氏藏

足利氏後記

後北條氏

卷之十一

足利氏後記

武田氏

上杉氏

卷之十二

足利氏後記

毛利氏

卷之十三

德川氏前記

織田氏上

卷之十四

德川氏前記

織田氏下

卷之十五

德川氏前記

豐臣氏上

卷之十六

德川氏前記

日本外史

目錄

三

賴氏藏

日本外史 目次

三

賴氏藏

豐臣氏中

卷之十七

德川氏前記

豐臣氏下

卷之十八

德川氏正記

德川氏一

卷之十九

德川氏正記

德川氏二

卷之二十

德川氏正記

德川氏三

卷之二十一

德川氏正記

德川氏四

卷之二十二

德川氏正記

德川氏五

日本外史

目次

9

賴氏藏

日本外史 卷之一 賴久太郎 著

卷之二十一
卷之二十二
卷之二十三
卷之二十四
卷之二十五
卷之二十六
卷之二十七
卷之二十八
卷之二十九
卷之三十



日本外史卷之一

源氏前記

平氏

賴久太郎 著

清行大
學頭式
部大輔
終參議
宮内卿

外史氏曰。吾讀舊志。見鳥羽帝時。數下制符。禁諸州
 武士屬源平二氏。曰。大權之歸將門也。其在此時歟。
 及讀三善清行封事。陳宿衛豪橫之患。乃知制度之
 弊。其來久矣。非亶始於此也。蓋我朝之初建國也。政
 體簡易。文武一途。舉海內皆兵。而天子爲之元帥。大
 臣大連爲之褊裨。未嘗別置將帥也。豈復有所謂武
 門武士者哉。故天下無事則已。有事則天子必親征。

日本外史 卷之一 賴久太郎 著

日本外史 卷之二 藤原氏 藤原氏 藤原氏
伐之勞。否則皇子皇后代之。不敢委之臣下也。是以
大權在上。能制服海內。施及三韓。肅慎。無不來王也。
及至中世。摹倣唐制。官分文武。乃特置將帥。六衛之
將。將天子親兵。而兵部居八省之一。建左右馬寮。以
畜貢馬。而邊要之國。諸郡皆有軍團。三分一國之丁。
而取其一。五人爲伍。伍二爲火。火五爲隊。隊二爲旅。
旅十爲團。各有首領。一火六馬。便騎射者。特爲騎隊。
皆任守令。簡黜衛京。戍邊。按簿差遣。每舉征伐。令沿
道諸國。須契勅勘合。凡征行萬人。乃有將軍。有副將
軍。有軍監。有軍曹。有錄事。每總二軍。大將軍一人。大

將出征。必授節刀。臨軍對敵。首領不從約束者。皆聽
專決。還日。具狀以聞。建勲位十二等。論功酬賞。而罷
其兵。凡其器仗。藏于兵庫。出納以時。皆管之於兵部。
中朝制兵。大略如此。雖不及上世之旨。其防亂慮禍。
可謂密矣。是故有事。則下尺一之符。數十萬兵馬
立具。而平時散歸卒伍。爲之將帥者。或自文吏出臨
兵陣。畢事而歸。脫介冑而襲衣冠。未嘗有所謂武門
武士者也。及藤原氏以外戚世執政權。卿相之位。非
其族人。不擬官論品流。因習成俗。庶僚百揆。槩世其
職。而將帥之任。每委源平二家。於是乎。始有武門之

稱焉。光仁桓武之朝。疆場多事。寶龜中。廷議汰穴兵。殷富百姓。才堪弓馬者。專習武藝。以應徵發。其羸弱者。皆就農業。而兵農全分。至貞觀延喜之後。百度弛廢。上下隔絕。奧羽關東之豪民。以軍功。至六衛舍人者。或坐制鄉曲。不勤宿衛。而守令莫之能制。清行所謂非六軍。驅虎而爲諸國豺狼者。所在皆是。平居藏甲蓄馬。儼然自稱武士。於是乎。始有武士之稱焉。自從天慶。馴致寬治。源平二氏。數鎮東邊。每用此輩。以奏功效。而各有所習用。以相隸屬。因襲之久。如君臣然。自是其後。苟有事。輒命之二氏。二氏各發其隸屬。

赴之。如探物於囊。不復煩選將徵兵。而討伐勦誅。莫不立辨。廟堂之上。務取恬熙。不憂其勢之積重不回。方且延爲爪牙。以相傾排而已。烏羽之下。此令也。如察其弊者焉。而不窮弊之所由。於救之之術。蓋已疎矣。當是之時。源氏有梗命者。勅平氏討之。平氏有難制者。令源氏誅之。更相箝制。以爲得控馭之術。而不知異日搏噬攘奪之禍。又基於此。敗壞古制。苟媮一時。皆足以自取困蹙也。抑戎事民命所繫。而兵食之權。不可一日去國。先王之必躬親之。其旨深矣。今委之一二宗族。又賤其事而不省。至於別其品類。不齒

之朝廷之上。甚則奴僕視之。曰。是武門耳。是武士耳。及其論功行賞。或恫而不與。嗚呼。幾何其不相率以自棄於法度之外也。特以積威所約。抑不敢發爾。至於保元平治之際。乃乘釁而起。潰裂四出。不復可收。橫流之極。終致失其千歲不拔之權。而授之嚮所奴僕視者。可勝慨哉。吾作外史。首叙源平二氏。未嘗不歎王家之自失其權。而國勢之推移。有非人力所能維持者。因世變以見得失。後之憂世者。將有以留心焉。

平氏出自桓武天皇。天皇夫人多治比莫宗。生四子。

高見無官無位

赤旗

鎮守府將軍良

將

下野守

良兼

將門

相馬小次郎將

門

貞盛時

左馬允

長曰葛原親王。幼有才名。長而謙謹。好讀書史。觀古今成敗。以自鑒。叙四品。任式部卿。子高見孫高望。高望賜姓平氏。拜上總介。子孫世為武臣。其旗用赤。高望四子。國香。良將。良兼。良文。並任東國守介。鎮守府將軍。國香子曰貞盛。材武善射。為左馬允。良將子將門。性桀黠。倚攝政藤原忠平。求為檢非違使。忠平不省。將門一去之東國。據相馬里。劫掠常陸下總。時國香為常陸大掾。良兼為下總介。皆與將門有隙。承平中。將門終攻殺國香。將門之在京師也。嘗詣敦實親王。從兵可五六騎。適貞盛亦來謁。會將門出門。貞盛

日本外史 卷之二 平氏

謂人曰將門必生事天下者今日恨不率士卒即率士卒者當擊殺之至是貞盛棄官而東欲復父仇與良兼及從弟良正共攻將門不利貞盛謂是私鬪也不若受勅討之將還京師有所請將門要擊之信濃貞盛大敗脫身入京師已而良兼卒將門乃據下總遂襲執常陸介藤原維幾取常陸武藏守與世王兇險喜亂往說將門曰關東八州沃饒而四塞可據以霸天下夫取一州誅取八州亦誅誅一耳顧公安所決將門大悅延為謀主遂攻下野上總武藏相摸悉下之弟正平諫曰帝王有命不可妄冀願熟圖之將

將門登嶽
山瞰皇城

門曰天縱我以武吾取帝位孰能拒之乃建偽宮於下總猿島置文武百官初將門與藤原純友者友善嘗同登比叡山俯瞰皇城曰壯哉大丈夫不當宅此耶遂與謀反謂純友曰他日得志吾王族當為天子公藤原氏能為我關白乎至是純友為伊豫掾任滿不還據海島為盜以遙應將門潛遣人入京師行火坊市京師戒嚴時天慶二年也三年朝廷拜參議藤原忠文為征東大將軍率諸將東伐發東海東山兵募以重賞而任貞盛常陸掾發兵討將門將門聞之率兵索貞盛於常陸不得乃散其眾獨以千餘人至

天慶二年
三年
右衛門
督忠文

下野掾
秀鄉

日本外史 卷之一
下野。下野有押領使藤原秀鄉。世為大族。及將門起兵。往見之。將門方梳髮。捉髻而出。款接之。命食共食。飯粒墮前。拾而食之。秀鄉知其輕率。不足與有為也。乃從貞盛。貞盛窺將門無備。與秀鄉合兵四千餘人。急襲之。將門遽出距之。大敗。貞盛乘勝疾攻。將門欲誘之險阻。走據島廣山。貞盛火其營。大戰于山北。將門以見兵四百騎死鬪。貞盛麾兵蹙之。將門獨身出走。貞盛叱咤追馳。射中其右額。墮馬。秀鄉斬其首。與世王以下。悉伏誅。梟于京獄。八州皆定。而純友尋平。忠文等皆途還。貞盛以功叙從五位上。後遷從四位

平將軍

下野守
維衛

散位致
賴

四天王

常陸介

賴信

大和守

保昌

維茂出

羽介鎮

守將軍

稱餘五

將軍

驛鈴

天仁元年

大治
備前守

下。任鎮守府將軍。兼陸奥守。世呼曰平將軍。貞盛四子。季維衛最勇。與平致賴。源賴信。藤原保昌。齊名稱。四天王。任下野守。後私與致賴鬪。謫徙淡路。貞盛又養從子維茂。亦勇敢。亞維衛。維衛曾孫正盛。有武幹。時平氏與源氏。並為武臣。而源義家樹功邊陲。宗黨尤強。其長子義親。為對馬守。剽掠九州。殺官使。流隱岐。逃歸出雲。殺吏奪貢賦。勢甚猖獗。於是詔正盛為追討使。賜驛鈴。率兵討之。與義親戰。斬其首。梟于京獄。時天仁元年也。正盛生忠盛。忠盛居伊賀。伊勢之間。為人所眇一目。大治中。山陽南海盜起。忠盛追捕有

日本外史

卷之二

平氏

六

賴氏 義反

正盛

五節豐明
節會

十一月

中旬辰

日薦新

稻於庶

有宴

左兵衛

家貞

伊勢瓶子

功事白河鳥羽二上皇並有寵焉鳥羽上皇建得長
壽院以忠盛董役役竣除但馬守聽昇殿舉朝憎之
謀以豐明節會乘暗刺之忠盛曰朝則蒙詬不朝為
怯其辱宗一也乃帶刀而入家人平家貞與其子家
長衷甲從焉吏訶止之家貞對曰主君有戒心臣將
與之同死吏不得止忠盛昇殿就闈拔刀刀光外射
衆大畏不敢發及宴召忠盛命舞衆歌曰伊勢瓶子
醋瓮益國音瓶子通平氏醋瓮通眇也忠盛愧之不
終宴退呼主殿司脫刀授之而出衆劾奏忠盛帶劍
上殿以兵自衛請正典刑上皇驚召忠盛問之對曰

仁平

參議經

盛

中納言

教盛

右馬頭

家盛

麥稗代笠

大納言

賴盛

薩摩守

忠度

臣之家人聞道路之言尾臣而來不使臣知唯陛下
斷其罪如其佩刀請問之主殿司主殿司進刀木刀
塗銀也上皇喜曰忠盛用意良苦以死衛君則武人
之習耳遂無所問忠盛累遷以正四位下刑部卿卒
於仁平中忠盛有七子曰清盛經盛教盛家盛賴盛
忠重忠度而清盛最極寵貴初忠盛之事白河上皇
上皇有嬖姬居祇園祠傍嘗夜幸焉雨甚觀鬼髮如
束麥稗以代笠提火器行吹之曰將上燭于祠也上
皇謂忠盛膽勇可倚益有寵所幸宮人兵衛佐局與

日本外史 卷之二十一 平氏 二 賴氏 裁 版

清盛

忠盛私有身上皇即賜之曰生女則朕取之即男也。卿以為子也。宮人免身生男。是為清盛。後更娶妻。生家盛。賴盛。清盛出依中御門氏。大治中。任左衛門尉。累遷至從四位下。安藝守。航海赴任。有魚入其舟。或曰。興家之兆也。先是鳥羽太子受禪。是為崇德帝。帝母璋子。幼養於白河法皇。鍾愛之。及長不衰。頗涉物議。鳥羽是以不子視崇德也。戲目之曰叔父兒。鳥羽寵姬曰得子。號美福門院。生皇子體仁。令崇德養為太子。四歲受禪。是為近衛帝。帝崩。崇德希復位。崇德皇子重仁。又長而賢。中外屬望。而美福以近衛蚤世。

鳥羽法皇

崇德帝

白河法皇

叔父兒

近衛帝

後白河帝

惡左府

法性寺

關白忠

通

保元元年

六條判官為義

右馬助

忠政

安藝次

官基盛

宇野七

為出咒詛。乃密勸鳥羽。立崇德同母弟雅仁。是為後白河帝。朝野駭然。崇德憤恚。召左大臣藤原賴長。語之以情。賴長慧黠。世稱惡左府。與兄忠通爭權不逞。欲使上皇復位而已。專柄也。乃德患舉兵。物情恟然。保元元年七月。法皇崩。即夜葬之。上皇遂舉兵。據白河殿。源為義等屬之。法皇豫度有變。遺命諸將當召者。清盛不與焉。蓋以忠盛夫妻傳重仁也。美福曰。安有強如平宗而不召乎。遂召之。清盛舉其宗。應召焉。叔父忠政獨赴上皇宮。清盛義子基盛為檢非違使。擒上皇黨源親治于宇治。已而勅源義朝。攻白河殿。

日本外史

卷之二

平氏

八

賴朝

郎親治
下野守
義朝
少納言
入道信
西
鎮西八
郎為朝
二將一
為伊藤
五為
伊藤六

留清盛等衛官。少納言藤原通憲奏使清盛同往。清盛長子曰重盛。從父攻其西門。西門將源為朝善距。我先鋒二將為其所射殺。清盛曰吾受命。不必此門。重盛不肯曰。擇敵而進。豈武臣所為乎。兒請當之。清盛令兵士擁止重盛。與共攻南門。白河殿陷。上皇出走。入如意山。削髮奔南都。途被執。遷于讚岐。賴長中流矢已而自殺。帝詔清盛捕為義。未獲。忠政出。依清盛乞降。不聽殺之。朝議因令義朝殺為義。以清盛為播磨守。超遷太宰大貳。重盛以下受賞有差。始興甲第于六波羅。義朝視平氏聲望出已上也。心常嫉之。

二條帝
後白河
上皇
中納言
右衛門
督信賴
大納言
經宗
右中將
成親
平治元年
檢非違
使惟方
兵庫頭
賴政
伊賀守
光基

藤原通憲娶清盛女為婦。亦與義朝有隙。通憲參與大議。多所釐正。帝授位太子。是為二條帝。而上皇仍聽政。政在於通憲。上皇嬖人曰藤原信賴。求為近衛大將。上皇欲聽之。通憲不可。因圖唐安祿山事跡。上馬以諷之。信賴慚恨。乃與義朝深相結納。陰謀作亂。藤原經宗。藤原成親。藤原惟方等。皆與其謀。謀既定。而畏清盛不敢發。平治元年冬。清盛重盛率筑後守家貞等五十人。詣熊野。行至切部。六波羅使者來告曰。昨夜信賴。義朝與源賴政。源光基等。率兵五百。圍三條殿。火之。并火少納言第。殺傷無算。遂幽上皇及

日本外史 卷之九
九
主上於禁內。少納言亦遭害矣。衆愕然。清盛曰。爲之何如。宜到熊野計之乎。重盛曰。武臣赴天子之急。何猶豫爲。清盛曰。如無甲何。家貞曰。臣豫慮有是事矣。開其擔。出甲胄五千。器械弓箭稱之。衆乃結東北還。已而聞源氏兵要阿部野。清盛曰。彼衆我寡。我且避之。四國以謀再舉。重盛曰。機不可失。失今不伐。彼將先我。我寡而敗。何恥之有。今日之事。有死而已。清盛曰。吾志決矣。率衆疾馳。未至阿部野。遇一騎。衆意源氏使也。騎至曰。臣至自六波羅。六波羅之兵迎駕。見在阿部野。請速歸。衆相喜慶。踴躍入京師。當是時。信

賴自爲大臣大將。義朝以下皆拜官。信賴衣冠僭擬乘輿。坐百官上。聽斷庶政。百官莫敢仰視。獨左衛門督藤原光賴不屈。因會議折信賴。勸其弟惟方。護二宮。以待清盛。清盛既還。信賴聞之。益諸門守兵。清盛謀怠其備。乃致名簿於信賴。以示無他。清盛計拔帝。乃與惟方通謀。夜放火二條大宮。守門兵舍守救之。天皇乃與皇后同車。蒙衣而伏。出藻壁門。惟方從。門者誰何。惟方曰。官人也。門者燭於車中曰。可矣。既出。重盛以騎三百迎謁于途。奉入六波羅。百官萃焉。關白藤原基實亦至。衆以其妻信賴妹也。疑之。或告清

盛曰關白至矣。清盛曰此大臣也。假令不來。吾固將召焉。衆心乃安。已而上皇又逃於仁和寺。而信賴等仍據大內。帝召清盛命討賊。且戒之曰。宜佯退走。誘賊出宮。莫使宮闕罹兵燹也。清盛對曰。誅逆賊。如指之掌。勿以勞天心。至若後命。臣甚惑焉。雖然不敢不盡心。乃勒兵三千騎。令重盛教盛。賴盛將之。分兵赴大內。賊開昭明建禮二門。關陽明待賢郁芳三門。樹白旗二十餘旒。守之。我兵望見色動。重盛厲衆曰。年爲平治。地爲平安。而我平氏也。天示吉兆。獲勝必矣。汝輩努力。乃分其兵爲二。留一于大宮巷。以其一傳

白旗二十餘旒
平治平安
平氏

掠樹下
櫻橘

惡源太
義平

待賢門。大呼挑戰。信賴怖墜馬。重盛排門而入。至大庭掠樹下。與源義平大戰紫宸殿前。七匝櫻橘樹出。至大宮巷。杖弓以息。平家貞目之曰。可謂平將軍再生矣。重盛更兵復入。義平呼曰。我源氏嫡子。公平氏嫡子。宜與決死也。重盛曰。諾哉。乃進戰且退。與二卒景安家泰俱走。義平及鎌田政家追之。至二條濠。重盛踰濠。政家射之中肩及背。甲堅不入。射馬。馬倒而胄墜。政家薄之。重盛扞以弓。取胄被之。景安至。搏仆政家。爲義平所殺。重盛怒。欲親關家泰。進與義平相搏。爲政家所殺。重盛得間走。當是時。賴盛等攻郁芳

與三左
衛門景
安
新藤左
衛門家
泰
次郎政
家時稱
兵衛

八町二
郎

門與義朝戰退走。義朝卒有善走者八町二郎。以鐵搭鈎其胄。賴盛拔刀截搭。二郎仰仆。賴盛走。源氏兵空宮而出。教盛乃以千騎橫入大內。關諸門守之。義朝義平無所獲而還宮。宮皆赤旗矣。進退失據。遂進攻六波羅。清盛乃上北臺。踞床指麾。賊兵沓至。官軍逡巡。賊乘勝而進。矢及內戶。清盛怒。上馬大呼馳出。親突敵陣。更兵交進。賊遂大敗走。清盛乃入大內。收名簿笑曰。昨予今取。何速也。乃分兵追賊。義朝奔關東。信賴至仁和寺。乞哀於上皇。上皇為請之於帝。帝不許。重盛曰。即宥之。彼何能為。清盛曰。首惡不可不

中納言
師仲

長田庄

司

彌平兵

衛宗清

自是繼母
辭氣

日向太
郎通良

誅。且如帝命何。乃遣教盛引兵圍仁和寺。捕信賴及其黨源師仲。藤原成親等五十餘人。斬信賴于六條磧。重盛教盛與成親有姻。乞而宥之。帝賞清盛戰功。進其子弟官爵。尾張人長田忠致誅義朝。獻其首梟之獄門。賴盛將平宗清亦捕義朝少子賴朝至。將斬。宗清憫之。因池尼請宥。池尼。賴盛母。於清盛為繼母。清盛不聽。尼怒曰。刑部卿而在。汝安得侮我言乎。重盛與賴盛固請。乃減死一等。流于伊豆。義平變服入京師。狙擊清盛。清盛覺之。捕獲斬之。平氏威振天下。肥前人日向通良作亂。遣平家貞討夷之。當是時。政

平氏

賴氏

永曆元年

在上皇。藤原經宗。藤原惟方。勸帝親政。兩宮交惡。上皇引清盛自援。永曆元年。上皇進清盛正三位。任參議。清盛乃奉。上皇旨。收執經宗。惟方。帝嘗納故近衛。帝后為中宮。世呼之。二代后。清盛以二人不諫。陷帝於惡。為罪。欲斬之。前關白忠通救解。乃宥。死處流。明年。清盛累遷至權中納言。六年。遂進從二位。任權大納言。重盛至正三位參議。永萬元年。秋。帝崩。諸寺僧徒會葬。延曆園城二寺。爭禮欲鬪。上皇召源賴政自衛。有訛言。上皇圖平氏。平氏大驚。聚兵自守。重盛曰。事必安也。請往法住寺親驗之。法住寺。上皇宮也。乃

二代后

六年

永萬元年
二條帝崩

西光

六條帝

仁安元年

往。途遇上皇來幸。平氏第欲口解諭。因扈還。清盛稱病不出。重盛入而諫曰。大人宜出謁。吾宗有功無罪。事何遽至此。大人慎勿形之辭色。不則讒或因以入。苟吾之執忠直。何渠畏人言。清盛善之。而竟不出。上皇還。謂左右曰。訛言誰使之者。藤原師光前曰。天使之言耳。衆無敢應者。師光阿波人。嘗以狡黠為藤原通憲所愛使。後削髮稱西光。為院北面。頗有寵。心嫉平氏驕恣。數承間說上皇。是時太子嗣立。是為六條帝。帝幼政復歸上皇。上皇寵后滋子。為清盛妻時子之妹。生憲仁。上皇欲立之。仁安元年。以清盛叙正二

平氏

二年

位任内大臣。二年遂至從一位。陞大政大臣。賜隨身兵仗。聽輦車入宮。勅賜邑于播磨肥前肥後。為大功田。世襲。重盛叙從二位。任權大納言。聽帶劍昇殿。次子宗盛叙從三位。任參議。三年二月。憲仁受禪。甫五歲。是為高倉帝。帝母之兄大納言時忠謂衆曰。方今天下之人。非平族者。非人也。當是時。平族為朝官者。六十餘人。其采邑跨三十餘州。朝政盡決於清盛。清盛有疾。詔行非常赦。以禱之。既而清盛削髮稱淨海。興別第于西八條居焉。選童三百。服異服。散布京城内外。察誹謗者。輒處法。京師側目。上皇積不能平。嘉

高倉帝

三年

淨海

選童三百

服異服

嘉應元年

平資盛不

下攝政藤

原基房

資盛時

為越前

守後新

三位中

將

應元年。上皇削髮稱法皇。平氏益橫。重盛次子資盛。與數騎出獵。途值攝政藤原基房。不下馬。徑衝其衛。衛士猝而下之。重盛責資盛無禮。基房縛送衛士以謝。重盛釋其縛。勞而遣之。清盛聞之。怒曰。當今日。誰敢辱淨海之孫者。必報之。重盛諫止。清盛不聽。伏三百人。要基房于路。摧折其車。切從者髻。帝因輟朝三日。重盛逐資盛之伊勢。承安元年。清盛進其女德子為女御。遂立為中宮。四年。右近衛大將闕。重盛奏請自拜之。治承元年。轉左近衛大將。尋拜内大臣。居小松第。弟宗盛為右近衛大將。已而進正二位。朝臣舉

承安元年

四年

治承元年

三位中
將維盛
丹波少
將成經
多田行
綱

判官平
康賴
俊寬大
納言源
雅俊孫
俊寬
鹿谷別館
平氏仆矣

妬平氏。藤原成親以權大納言為法皇執事。重盛娶其妹生子維盛。又娶其女為子婦。成親子成經。娶教盛女。然成親殊希為大將。而不得。居常憤憤。遂圖滅平氏。乃與西光謀。饗藏人源行綱。密語之曰。平氏專恣。子所目也。吾受院勅。陰圖之。而未得將率焉。子源氏。胃也。盍為我將。成殊功。取顯位。行綱諾之。成親遂結檢非違使。平康賴。式部大輔。藤原章綱。前近江守。源成雅等。又欲結法勝寺。執行俊寬。數飲之酒。令姬人侍焉。因乘間說之。會其鹿谷別館計事。宴酣馬逸。坐者驚起。誤仆瓶子。成親曰。平氏仆矣。西光曰。盍梟

之謹

大納言
平時忠

其首。康賴進曰。梟首檢非違使之任也。取瓶懸之柱上。一坐大笑。成親因建策曰。祇園祭日。京市雜沓。乘此時。縱火平氏第。疾攻之。可以逞矣。乃遣行綱布五十匹。部署諸將所向。未發。西光子師高為加賀守。其目代師經與白山僧徒鬪。僧徒來訴之。延曆寺。延曆寺僧徒與之合兵入京師。犯闕。重盛以三千騎衛宮門。擊卻之。山徒不服。還圖再舉。法皇令平時忠往諭解之。五月。誚師高。師經。流之。西光慚恨。終間叡山坐。主明雲於法皇處。流明雲。素善清盛。清盛為奏救之。不省。已而山僧奪還明雲。法皇怒。勅諸將士討之。清

盛不奉勅。則更勅成親。成親大喜。因聚兵。行綱自度。事竟不成。不若自首。乃夜馳赴西八條。聞清盛在福原。又赴焉。請面告事。清盛出面之。行綱曰。院中集兵。君知其由乎。清盛曰。欲攻山徒耳。行綱進附其耳。語曰。否。否。事係貴族。嚮日。新大納言氏。俄要行綱于鹿谷。謀云云。聞法皇亦欲親臨焉。因法印靜憲諫之。而止。事已至此。不敢不告。清盛大駭。直歸京師。悉召子弟宗族。遣檢非違使阿部資成。就院中奏曰。有凶徒圖滅臣宗。臣且執而鞠之。然事必有源。是以敢奏。法皇失色。不知所答。乃縛西光至。使跪階下。清盛叱曰。

西光過分之諍

高平太

下奴恃過分之寵。搆陷無罪。又敢欲危我家。西光笑曰。何謂過分乎。公之父。但馬守朝官所愧齒。公為其嫡子。常著高履。伺候中御門氏。人呼曰高平太。比十八九。以捕海賊二十人功。為四位兵衛佐。人以為異數焉。而今乃至於太政大臣。是之謂過分耳。清盛大怒。躍起蹴其面。痛掠治之。得實。命裂其口。又使人召成親。成親未知事。覺曰。平公欲宥山徒。令吾請法皇耳。乃往。比及西八條。見甲士繹騷。心驚。及入門。平氏士難波經遠。妹尾兼康。耦進。捽之。囚於小室。將待昏殺之。成經康賴以下。皆被逮捕。久之。重盛至。衆迎而

難波次郎 妹尾太

日本外史 卷之十一 平氏 賴氏 義家

謂之曰。有大事。公來何晚。重盛曰。是私事。何言大事。入謂清盛曰。聞欲殺大納言。願再思之。兒豈以姻戚云爾哉。彼為名族。受君寵。未可用私怨殺也。往時少納言信西興行死刑。發惡左府之墳。未二歲。信西之墓亦為藤原信賴所發。善惡之應。殃慶立至。願再思之。出見經遠兼康。讓其亾狀。因戒之曰。慎勿使我公乘怒抵悔。乃歸。教盛亦為成經固請。皆得減死。而清盛怒不自禁。乃就見成親。成親低首。清盛呼而仰之。曰。公面可憎。公當死於平治者。因內府之請宥之。祿位並隆。何苦而反。成親曰。僕何與知焉。事必出讒口。

筑後守
貞能

僕於貴族有何所怨。敢倍畔也。清盛顧左右。取西光狀來。乃自讀。二過曰。猶言不與知乎。公面可憎。以其狀擲成親面而入。令經遠兼康拷掠成親。二人畏重盛。下成親于庭。附其耳曰。我公隔壁而聽。君第叫號。二人擊地成親。輒叫。清盛曰。可矣。於是清盛乃被甲執長刀而出。召平貞能曰。亟戒將士。今舉朝之人。嫉我圖我。蓋謂我官爵踰分耳。在昔田村元微者也。以下東夷功。超拜大將。他多類此者。豈獨淨海。淨海勤勞。非一日也。保元之變。我宗族大半赴新院。且重仁親王者。我父所覆育也。而我思故院遺詔。獨屬官軍。

終克平亂逆。平治之變。信賴義朝之猖獗。吾而自愛。事未可知。重命輕躬。夷滅凶黨。以至於收經宗。惟方等。數冒大難。無非爲官家者。以此言之。官家恩宥。雖窮子孫可也。今乃輕信讒言。欲見族滅。卽母告者。豈不危殆。異日細人有再進言。則下宣討我。目我爲賊。不可悔也。吾欲先發移之鳥羽宮。否者請幸於此耳。北面奴輩。或且扞我。亟戒將士。有主馬盛國者。馳告重盛。重盛大驚。急命駕赴之。入第門。族人皆擐甲鞍馬。旗幟成列。將起重盛。烏帽直衣而入。宗盛叩其袖曰。公何以不被甲。重盛睨曰。汝等何以被甲。敵人何

襟呿甲觀

在乎。吾爲大臣大將。自非有寇賊犯闕。則不宜被甲也。清盛望見之。遽起表黑衣而出。數正襟。襟呿甲觀。謂重盛曰。吾察西光狀。如成親等。乃其枝葉耳。間群小彙進。覬覦不已。而御以輕躁之君。何所不至。我欲且請幸一邊。以待事定。語未畢。重盛泣數行下。久之。言曰。重盛熟視尊貌。知家門已屬衰運也。重盛聞之。世有四恩。皇恩爲最。抑我門雖辱。桓武葛原之胤。而降爲人臣。中微不顯。以平將軍之功。而不過國守。刑部卿聽內昇殿。萬人反唇。及至大人。乃陞大政大臣。以兒之不肖。且辱大臣大將。宗族駢植朝廷。田園半

平將軍
貞盛
刑部卿
忠盛

日本外史 卷之二 平氏 貞盛 刑部卿 忠盛

於天下。叨恩極矣。爲官家所疾。誰謂不宜而運命未
艾。讒人旣獲。宜論罪所當。退陳事由。則公家豈有不
霽威。何必草草爲也。兒又聞之。以王事辭家事。不以
家事辭王事。况善惡較著者乎。重盛自六位至三公。
沐浴君恩。不可勝舉。嚮背之決。自有在焉。素所撫循
士。願爲重盛死者。二百餘人。保元之亂。源下野守以
勅命。斬六條判官。兒在當時。以爲大逆無道。不忍言
者也。此非大人所親睹乎。欲忠則不孝。欲孝則不忠。
重盛進退窮於此矣。生覲是感。不若死也。大人必欲
遂今日之舉。先刎重盛首。然後發。且言且泣。舉坐感

下野守
義朝

動。清盛曰。淨海以衰老爲此舉。非爲一身計。徒慮子
孫耳。乃以爲不可。汝好計之。乃起入內。重盛願讓諸
弟。曰。今日之事。縱令公老耄發事。子等何不匡救。乃
愆患之也。出勅將士曰。欲從公赴院者。見重盛刎首。
然後行也。乃還小松第。旣夜。憂慮弗能措。於是出令
徵兵。曰。有大事。速來會。衆相告曰。沈重人出如此令。
必有由也。於是爭赴之。一夕二萬餘騎。而西八條無
復一人。重盛乃令家貞。貞能往護清盛。清盛問曰。小
松第何由徵兵。二人對曰。院宣內府曰。汝父忘君恩。
欲亂國家。命女討伐之。內府慮君自急也。令臣等來

日本外史 卷之二 其 賴氏

護曰。君安之。重盛在焉。當以身請。清盛惶懼曰。為我語內府。吾前途已迫。不復事事。唯卿令之。二人還報。重盛漣然曰。使父為此語。吾罪大矣。乃親臨勞兵曰。汝等應召即來。真不負平生。而事出謬傳。宜亟罷去。後有緩急。幸毋狃焉。因盡罷去。法皇聞之泣曰。重盛報怨以恩。使人慙愧。已而清盛使武士尚西光并殺師高。師經流成親于備前。後使人殺之。放成經。康賴俊寬于硫黃島。教盛常餽遺成經。成經分之二人。因得不乏。二年。中宮姪清盛身親祈嚴島神。冀得皇子。教盛乃因重盛請下赦令。成經康賴得歸。俊寬終死。

放成經康賴俊寬于硫黃島
二年
中宮姪清盛身祈嚴島神

島中。十一月。中宮將產而艱。人或謂成親俊寬所崇。令衆僧禳之。法皇乃為誦經。卒分身。生皇子。清盛喜極而哭。獻金綿謝之。法皇弗懌。抱其謝書曰。驗者視朕耶。三年。立為皇太子。清盛驕恣益甚。重盛日夜憂懼。一夕夢清盛被誅。覺而泣。會維盛至。飲之酒。令好以刀。維盛意是小鳥。小鳥者平氏傳家寶刀也。受而視之。乃無文刀。葬時所佩者。乃變於色。重盛曰。母尤也。使公令終。吾將佩焉。今賜之女。女後當知之。五月。重盛造熊野祠。祈死。歸獲瘍疾。適有醫至。自宋。清盛欲使治焉。重盛辭以失國體。且曰。兒之獲疾命也。遂

驗者視朕耶
三年
以小鳥刀
重盛祈死

日本外史 卷之二 平氏 賴氏

不使治。法皇臨視其疾。三月遂薨。年四十二。法皇與攝政基房議。收其封戶。會中納言闕。清盛婿藤原基通當任。而基房子師家任之。甫八歲。是時清盛在福原。十一月。地大震。京師相驚曰。太政入道來矣。已而清盛以數千騎入京師。基房入泣訴。法皇曰。聞清盛來。欲修怨於臣。果被竄流。不復能奉左右矣。法皇曰。雖朕亦不能自保也。明日。使法印靜憲往諭清盛。且問其意。清盛不見。及昏無所答。靜憲請去。清盛使子知盛出答曰。臣耄矣。不復能事君。如此而已。靜憲趨出。颺言曰。賢相明德。跼天踏地。清盛聞之。召返面之。

雖朕亦不能自保

曰。聞子諫止鹿谷之幸者。吾是以見子也。抑我家何所負官家。重盛新死。遊幸自如。獨不憫老夫乎。重盛見危授命者數。官家賜之越前。曰。傳女子孫。而死即見禡。死者何罪。且吾為基通請。中納言再三。而趨拜師家。何也。凡如淨海者。即有過惡。當宥及七世。今餘命無幾。動將見誅。身後可知矣。言畢垂淚。靜憲亦泣。少焉說以大義。且慰藉之。清盛意頗解。禮而遣之。既而奏帝貶基房。代以基通。削師家以下四十三人官爵。流前太政大臣藤原師長。使宗盛率衆造法皇。法皇問曰。將見流遠地乎。宗盛曰。非敢然也。且幸鳥羽

四年


殿以待事定。遂移之鳥羽。靜憲請而從焉。清盛乃使人白帝曰。今後諸政陛下親之。即日還福原。四年二月。帝禪位於皇太子。世稱其出清盛意也。清盛夫人時子既拜二位。削髮稱二位尼。於是夫妻並准三宮。三月上皇幸嚴島。希解清盛之意。臨發。觀法皇。法皇之徒鳥羽。中外皆咎宗盛不若其兄也。宗盛數諫清盛。乃奉還法皇于八條鳥丸。五月。熊野別當上變。告以仁王下令。舉東國源氏。欲滅平氏廢帝而自立。曰。事成有重賞。那智新宮僧徒亦應之。清盛大驚。率兵入京師。與公卿議。遣檢非違使源兼綱等。以官兵

熊野港 增 賴政之亂 高倉宮

上總介 忠清

又太郎 忠綱

圍高倉宮。將徙王子土佐。兼綱父賴政為王謀主焉。平氏未之知也。賴政急使王先奔倚園城寺。僧徒而自率子弟從之。清盛聞之。怒曰。吾嘗奏賴政授三位。聽昇殿。何負我乎。清盛將藤原忠清獻策曰。聞叡山南都僧兵皆應於王。我前後防敵。曠日彌久。諸國源氏來會。勝敗未可知也。宜速下院宣於山徒。因啗以利。清盛從之。山徒乃倍王。王奔南都。清盛遣子重衡等。將二萬騎。追擊于宇治河。王入平等院。斷橋而軍。僧徒善鬪。我將平盛清。請分兵由河內進。遮敵前路。下野人足利忠綱進曰。我家嘗與秩父氏夾利根河



日本外史 卷之二十一 賴朝

相挑未嘗不亂流決戰今日利在速戰何猶豫為乃以手下三百騎先渡下令曰上駭者下駭者操於淺而縱於深其步卒迭相提挈或溺者授弮援之令畢而濟不亾一人忠綱呼曰我藤原秀鄉六世之孫也盍來決死兼綱笑曰女以名族乃為平氏所驅役邪對曰平氏奉詔討亂賊安得不從也乃大戰終射殺兼綱我軍悉渡擊大破源氏兵賴政及子仲綱等皆死王南出走中流矢薨南都僧兵至木津川聞之引去重衡等凱旋獻首闕下清盛賞忠綱清盛常愛福原又築島其南以便漕運終欲遷都焉六月遂決意

伊豆守 仲綱

趣帝三宮百官徙焉奉帝于賴盛第遂徙之己第使兵守法皇議建宮城地狹不可建乃權造焉物議囂然八月源賴朝奉以仁王令舉兵伊豆相摸人大庭景親擊走之武藏人畠山重忠又擊破其黨三浦氏景親急騎報捷且曰賴朝走死已而東人交來告賴朝未死兵復振清盛大怒曰東國奴輩皆彼父祖家人而我流彼於東國是使彼胥以滅我家也何異借盜鑰乎切齒久之日向使吾不聽池尼請彼惡得保首領忘恩規利敢敵我子孫其能免神明之罰耶重忠父重能與弟有重在福原進而言曰東人獨北條

賴朝舉兵 伊豆 右兵衛 佐賴朝 大庭三郎 畠山次郎 三浦大介 義明

庄司重能 小山田 別當有重

日本外史 卷之二十一 平氏 賴朝

北條四郎

時政與賴朝婚其或附之其他豈肯黨流人君勿爲意平氏子弟人人奮願東伐清盛輦入見上皇曰陛下妙齡益未及知耳往時有爲義義朝者敢行凶逆欲敵法皇臣以謀略誅夷之而義朝少子有賴朝者此豎子獲之伊吹岳麓當斬臣繼母爲請宥之臣卽召見之曰十三歲短身涅齒有問輒答不知臣憫其幼稚且自謂與源氏非有宿怨特以君命焉爾遂宥之今聞其在配所敢謀不良臣不堪悔恨請得宣旨討之上皇曰稟法皇答曰主上幼陛下親父決在聖斷何直稟法皇爲陛下莫乃庇源氏乎上皇晒曰猶

隆摩守

忠度

讚岐守

正盛

對馬守

義親

齋藤別當

忠清之法

維盛軍富士河

夜聞水禽起

爲此言邪卽賜宣旨因問大將可屬誰曰臣嫡孫維盛可卽命維盛以右近衛中將爲追討使而忠度翼之用高祖正盛伐源義親故事賜驛鈴將五千騎發福原以齋藤實盛詣東事以爲鄉導行收兵至駿河實盛曰宜急踰足柄收武藏相摸兵藤原忠清曰今我兵皆京畿新募以此深入未見其可維盛從之實盛乃辭而西維盛曰無實盛吾寧不能戰乎以忠清爲先鋒進軍于富士河當此時畠山重忠以下皆附賴朝以二十萬騎至河東使使者來貽書多謗言忠清勸維盛斬其使者相持未戰我軍夜聞水禽起相

驚以爲敵大至也。人馬相踏籍而走。維盛怒欲留戰。忠清固諫。乃西歸。平明源氏軍乃知之。令一將來追。伊藤某殿戰而死。維盛歸至近江。清盛弗許其入京。師曰。女奉王命討亂賊。不交兵而歸。何面目來見我乎。軍卽不利。盍橫尸原野。因欲流維盛。到忠清衆救解之而止。先是源義仲起兵于信濃。義仲幼孤。齋藤實盛取育之。已而屬之水曾人中原兼遠。於是宗盛召兼遠。命亟縛義仲來獻。兼遠効誓書。還逐義仲。是月上皇再幸嚴島。清盛從焉。因要上皇作書。誓不右源氏。既還。造宮于夢野。以奉法皇。自清盛遷都。上下

源義仲起兵于信濃

水曾次

郎義仲

仲三兼

遠

苦之。山徒亦數請復舊都。清盛會諸公卿。問兩都孰便。公卿皆希其旨。曰。福原便。獨左大辨藤原長方曰。平安便。清盛作色而入。衆爲長方危之。已而清盛卽奉三宮以下。復都平安。衆大悅。時十一月也。或問長方曰。子何以能忤相國。答曰。使無悔心。何問於人。我因而導之耳。清盛素重長方。先是長方建議於朝曰。亂人得志。是天意人心所致。宜復政於法皇。召還基房師長等。改過遷善。庶幾免焉。清盛稍從其言。平氏家多怪。清盛嘗獨坐。見階下有數百人頭。合爲一大頭。瞋眼視清盛。清盛亦瞋眼視之。人頭漸縮小而滅。

平氏多怪

日本外史 卷之五 三十五 東氏 齋院

占者曰為義。義朝等鬼也。又有鼠巢廐馬尾。占者曰。小侵大。子犯午。為源逼平之兆。復都之月。近江源氏兵起。翌月。遣知盛。資盛等。將兵擊夷之。初園城寺黨。賴政得重譴。益怨平氏。至是。與山徒皆應。近江源氏。乃遣清房。攻園城寺。燒夷之。殺僧八百人。又聞南都。叛。遣妹尾兼康。赴攻。僧徒逆擊敗之。又造木丸。呼為淨海頭。蹴擊之。清盛積怒。是月。遣重衡。率兵數千騎。擊之。燒東大興福二寺。殺僧數百人。而諸道源氏。益興。養和元年。正月上。皇病崩。清盛益悔悟。復政於法皇。法皇不聽。固請而聽。乃獻美濃讚岐為御邑。詔以

造木丸呼為淨海頭

養和元年

武藏權守入道 義基 十郎 裁 人行家

宗盛總管近畿。二月。斬河內人源義基。聞源行家舉兵。至美濃。遣知盛。通盛。清經。忠度等伐之。敵據板倉壘。我兵遶出其後。縱火攻拔之。走行家。清盛又命南海兵控扼東兵。而徵糧于北陸。西海。菊池氏。緒方氏。皆應源氏。肥後守平貞能。請往定之。法皇令院廳官從貞能。已而知盛在洲股病作。置戍而還。源氏益振。宗盛乃欲親將大軍。東伐法皇許之。命統諸武官。以官符徵兵。刻日而發。衆曰。此行必夷源氏。以二十七日發行。先發一日。清盛疾作。宗盛止行。車馬集於六波羅。清盛病煩熱。浴於冷水。水輒沸。叫號聲徹

日本外史 卷之五 平氏 貞氏 齋院

清盛薨

卿公義
圓

門外。閏二月。疾大篤。舉族擁枕問所欲言。清盛大息曰。生者必死。何獨我。我自平治年間。建功王室。專制天下。位極人臣。為帝者外祖。復何所遺憾。所遺憾者。未睹賴朝頭而死。吾死之後。母以供佛為。母以誦經為。特斬賴朝頭。懸我墓前。我子孫臣隸。咸服我言。勿敢或怠。病七日薨。歲六十四。遺表法皇。事必與宗盛議。清盛既薨。宗盛奉還法皇於法住寺殿。奏曰。臣不肖。不能救父過。以至於今。今後將唯聖旨是仰。法皇乃會公卿。議調兵食。遣重衡。維盛。通盛。忠度等。入美濃。併其戍兵。與源行家。源義圓。夾水而戰。斬義圓。破

太郎資
長
四郎長
茂
后宮亮
經正

行家。虜行家子行賴。追行家。至參河而還。賴朝數遺書於賴盛。謝其舊恩。又間上書曰。臣非敢為亂。乃靖亂耳。陛下尚不棄平氏。則請兩講和。二姓並仕。如往昔事。其忠其否。簡在陛下。法皇以書示宗盛。宗盛答曰。臣父臨終。命臣等曰。必與賴朝決死。語猶在耳。臣不能和矣。於是請勅陸奧藤原秀衡。擊賴朝。勅越後城。資長。擊義仲。資長。平維茂。七世孫也。六月。資長與弟長茂。收兵南擊義仲。不利。還。八月。除資長。越後守。秀衡。陸奧守。趣伐源氏。資長復發。病作。卒。九月。宗盛遣從弟通盛。經正。東與源氏戰于越前。敗績。經正走

壽永元年

二年

越前三
位通盛

大庭景
尚一稱
侯野五
郎

入若狹。通盛退保敦賀城。召經正未至。義仲兵來攻。乃解兵西還。壽永元年九月。城長茂復南伐。義仲復不利還。是月。宗盛任內大臣。賜隨身兵仗。具騶從。拜賀。二年二月。叙從一位。四月。以維盛、通盛、忠度等為追討使。將山陽、山陰、西海諸國。及參河以東。若狹以南。徵兵十萬餘人。入北陸道。將夷義仲。然後及賴朝也。齋藤實盛在遣中。謂大庭景尚曰。平替源興。盍降木曾。景尚曰。東人無不知吾輩姓名。以興衰變節。若人言何。實盛曰。吾徒以試子耳。入見宗盛曰。越前臣鄉也。古曰。衣錦歸鄉。臣受君恩久矣。今老矣。唯一

平泉寺
長吏齊
明

太郎光
平賀州
林六郎
光明子
本姓齋
藤
越中前
司盛俊
太郎盛
綱

死以報君。君盍賜錦直垂。臣衣以歸。死有餘榮。宗盛憫之。如其言。義仲聞我軍向越前。遣將守燧城。城據山帶谿。最為要地。我軍阻谿水不能近。城將有齊明者。為書約之。矢以射我軍。曰。源氏築隄貯水。君決東山趾。立涸矣。臣為內應焉。我軍從之。立拔其城。連戰皆捷。追至三條野。敵將齋藤光平出戰。實盛曰。與我同姓。寧死於我。與鬪斬之。我軍長驅定越前。進入加賀。源氏兵退據安宅渡。平盛俊令子盛綱試水。還報曰。可亂矣。盛俊以兵五千先渡。大軍從之。遂拔林富。檜二城。據之。降將齊明進言曰。義仲在越後。越後越

砥並山

岡田冠
者太郎重
義樋口次
郎

中之界有寒原之險。君宜急扼此。毋使敵踰焉。乃遣盛俊赴之。至般若野。敵已踰寒原。盛俊與戰。不利退。維盛乃以七萬騎軍砥並山。忠度以三萬騎軍志雄山。義仲以五萬騎至。令行家攻忠度。而自當維盛。維盛恃險不備。義仲乘夜來襲。維盛大敗走。義仲乘勝追之。參河守知度。清盛七子也。與五十餘騎。大呼冒敵陣。馬仆而徒。敵有岡田親義來擊知度。知度舉刀斫其胄。胄墜。因斬其首。親義子重義踵至。我騎遮鬪。知度自屠而死。敵益進。右兵衛佐為盛賴盛次子也。亦為樋口兼光所殺。維盛退保佐良岳。當此時。忠度

手塚太
郎

與盛俊擊破行家。而聞維盛敗。引兵與之合。退據安宅渡。忽有鞍馬十匹。濟水而至。畠山重能在前軍。視之曰。敵近矣。乃與三百騎。登篠原岳。賊之。馳使中軍告曰。源氏兵悉濟。臣將先進。請賜後繼。義仲召樋口兼光。指岳頂問曰。女知彼一隊將為誰。曰。畠山重能也。臣數遊武藏。記其旗章矣。義仲曰。此可與鬪者。遣兼光與鬪。殺傷相當。維盛等乃進當義仲。戰且退。至成合。返擊大戰。大庭景尚自呼而鬪。義仲曰。名士也。麾騎逆之。景尚斬十三騎。被創自殺。眾悉退。實盛獨留戰。敵將手塚光盛呼問其名。實盛曰。女斬我首。獻

實盛温髮
越中次
郎判官
盛綱
飛彈大
夫判官
景高

木曾公。公知我也。進薄光盛。光盛從騎遮之。實盛攬
騎將殺之。光盛救之。三人相搏墜馬。光盛遂刺實盛。
獻頭於義仲。告其狀曰。單騎衣錦。其語東音。義仲曰。
莫乃實盛乎。召兼光視之。兼光曰。是也。義仲曰。吾知
實盛年高。今其髮黑者何。對曰。實盛嘗與臣言於東
國。曰。白頭從軍。吾將涅我髮。否則難以伍壯者矣。蓋
踐其言也。乃洗其頭。頭髮皆白。義仲泣曰。吾幼孤。為
此老所鞠育。使其來歸。將父事之。乃重恩就死。可不
謂義乎。收尸葬之。義仲復追我軍。平盛綱。藤原景高
等。十餘人死之。我諸將敗歸。法皇會議。藤原長方引

中納言
長方
菊池次
郎
原田大
夫

宗盛欲奉
帝及法皇
奔西國

漢和匈奴故事。請遣使赦諸源罪。不聽。平氏遺書山
徒誘之。山徒不從。七月。平貞能既定西海。以降將菊
池高直。原田種直タカ以下。兵千騎。糧十萬石至。平氏咸
喜。欲用禦東北。美濃人來告曰。義仲已至近江矣。於
是資盛知盛。重衡與貞能等。守宇治勢田。又遣賴盛
繼之。賴盛辭不往。強遣之。已而源行綱等。四窺京師。
山徒亦黨義仲。宗盛乃召還諸將。遣貞能擊行綱于
攝津。知盛以五百騎次粟津。與義仲前軍戰。不利。退。
義仲進軍叡山。宗盛大召族人議曰。兵寡。我欲奉帝
及法皇奔西國。以圖再舉。何如。知盛進曰。不可。我祖

桓武實肇此都。後降爲武臣。於今八世。未曾退避。寧決戰于此。刀折矢盡。而後已。教盛。經盛等皆以爲然。宗盛不聽。使人造法皇。法皇不在。宗盛大失意。乃奉帝及皇太后。皇弟惟明。收劍璽。縱火諸第。率其子右衛門督清宗。其弟中納言知盛。右中將重衡。淡路守清房。其義弟式部丞清定。丹波守清邦。其叔父參議經盛。中納言教盛。薩摩守忠度。經盛子皇后宮亮經正。若狹守經俊。教盛子越前守通盛。能登守教經。從五位下業盛。知盛子武藏守知章。經俊弟敦盛。清房二弟維俊。良衡。故基盛子左馬頭行盛等。及攝政藤

原基通。大納言平時忠。而西。權大納言賴盛。從而後。比及鳥羽。撤赤幟而東。倚法皇伏匿。基通亦還走。平盛嗣欲追之。宗盛曰。舍之。吾無所用此不義人也。因問曰。小松中將何如。曰。未來。宗盛曰。亦賴盛比邪。乃召畠山重能兄弟曰。汝子弟在武藏。汝盍東。二人對曰。臣等蒙平氏恩。二十年于此。見危而遁。不忍爲也。宗盛曰。父子相慕。無貴賤一也。父在西。子在東。以相殘滅。吾心憫之。汝宜丞去從賴朝。二人泣辭而東。宗盛等至關戶。顧見數百騎至。則維盛也。率其弟右中將資盛。左中將清經。左少將有盛。侍從忠房。備中守

還琵琶

師盛來。衆大喜。維盛曰。吾遺妻孥而來。皆啼哭牽我。吾是以後。宗盛曰。衆皆挈家。子何獨否。答曰。挈焉而行。終可庇乎。衆相顧悽然。經正幼。仕仁和寺法親王。貺其所愛琵琶。雖征行。未嘗不攜。是日。齋還。謁王曰。臣等事已至此。願得一叙別而行。因卽席彈數曲。王及左右皆垂淚。經正曰。臣嘗欲守此賜。以傳子孫。今行且死亡。不忍并寶器滅沒之。乃奉還琵琶而去。忠度亦自淀河還。詣其和歌師藤原俊成。夜叩門通刺。請面謁。俊成微啓門見之。忠度曰。自兵興。不得數於君家。今當遠別。聞君奉勅有所撰輯。臣幸得収一章。

忠度托歌於俊成
五條三位俊成

京極中納言定家

焉。死且不朽。乃出其歌集於鎧縫。俊成泣而受之。行盛師俊成子定家。亦遺其集留別焉。俊成定家後並撰集。収二人所作云。於是舉族奉輿而西。會平貞能自攝津還。下馬跪曰。諸公欲何之。宗盛告故。貞能大諫其不可。不聽。貞能獨東入京師。則諸第皆燼矣。乃夜詣重盛墓。白曰。君豫知有今日爾。然願以冥護。圖恢復。旦日發墓。収其骨而西。追至福原。宗盛等方會將士。議曰。我家不足惜。如帝王神器何。皆泣而對曰。臣等世受君恩。不以隆替易志。窮海極天。唯君所適。鳥獸且記恩。况於人乎。宗盛喜。乃相率拜清盛墓。張

三位刑部卿賴
輔方三郎

樂於墓前徹夜。天明燒其宮殿諸第。航赴西海。法皇
勅奪平族百八十餘人官爵。沒其邑。分賜之義仲等。
乃立高倉帝第四子即位。平氏聞之。悔其不取去也。
遂奉帝建行在所於豐後。豐後國司藤原賴輔之子
賴經與州人緒方維義傳院宣。收西海兵。使使來告
曰。公等不宜止此。時忠讓之曰。正統天子在此。若胡
爲者。維義不對。以三萬騎來攻。乃遣貞能。高直。種直
等。拒之。敗還。乃奔箱崎。遂徙山鹿。聞菊池。原田諸族
皆叛。則又徙柳浦。祈于宇佐宮。聞維義來。終航海而
遁。清經自度終不可免。夜上舵樓。看月吹笛。投海死。

刑部大夫通資
能民部成

矢田判官義清
高梨六郎
弥平四郎幸廣
能登守
教經

時長門國爲知盛所管。其目代紀通資獻船百餘艘。
以徙讚岐屋嶋。阿波豪傑田口成能。以千騎來附。且
爲徇四國。諭以順逆。多來屬者。因建屋島爲行宮。遂
徇山陽道。閏十月。源義仲遣足利義清。高梨高信。海
野幸廣來犯。而身繼之。重衡。通盛。教經。以三百餘艘
逆擊之。據水島城。源氏以千餘艘。負陸。教經出城東
北門挑敵。敵以五千騎來攻。教經佯走。重衡。通盛將
舟師。自島西南縱左右翼遶之。教經豫連舟布板。以
便進退。親射殺高信。北兵不習水戰。屬日蝕。晦冥。我
兵乘之。北兵遂大敗走。追擊斬義清。幸廣獲首千二

倉光次郎
今井四郎

百級初篠原之戰。妹尾兼康為敵將。倉光成澄所虜。因仕成澄。見親信。今井兼平謂義仲曰。彼瞻視異常。不若殺之。義仲不聽。兼康從容說成澄。以其鄉妹尾地肥美。狀成澄乃請義仲往收之。兼康為鄉導。先往會其子宗康。以下千餘人。掩殺成澄。據板倉寨。義仲將赴備中。聞而怒。令今井兼平來擊兼康。兼康戰且走。欲赴屋島。宗康體肥不能行。兼康棄之。走行里許。復還視之。追兵薄至。乃及宗康而死。義仲將遂攻屋島。聞賴朝來討已。則東還。十一月。教盛教經重衡等與源行家戰。室山大破之。山陽南海十餘州多來屬。

小太郎
宗康

師家時
從二位
中納言

明年

者當是時。義仲縱兵暴掠京師。亦以事怨望法皇。謂將士曰。女與其敵凡人。寧敵王者。遂舉兵反。焚法住寺殿。矢及乘輿。遂幽帝于閑院。法皇于五條宮。公卿皆裸跣遁。義仲乃謂將士曰。為帝為院。唯吾所欲。為公為卿。唯女所請。乃奪公卿以下四十九人官爵。以其妻兄藤原師家為攝政。京師苦其暴。乃思平氏也。義仲既與賴朝有隙。恐其來討。欲與平氏為從。貽書屋島。言其意。宗盛欲許之。知盛曰。義仲使我至其極。我乃與之和。恐賴朝之笑我也。公宜答曰。天子在焉。女免胄弛弓。自來乞降。吾則許之。宗盛從之。明年以

日本外史 卷之一 賴朝

山陽既定。奉帝復福原。因城焉。負山臨海。集兵守之。二月。教盛以五百騎屯備中下道。會讚岐廳衆二千。騎叛應源氏。乘船過下道。仰射我營。教盛怒曰。此輩嘗秣我馬。飲我馬者。今敢亾狀如此。飛舸追之。廳衆走淡路。倚源義嗣源義久。教盛攻而鏖之。并殺義嗣。義久遂攻河野。通信於伊豫。通信遁走安藝。與緒方維義合。東入備前。據今木城。教盛赴攻。一晝夜拔之。宗盛奏帝。進教盛正二位大納言。辭不拜。是時賴朝二弟範賴義經討義仲。殺之。終以院宣。大舉來攻。關東將士悉從之。刻期會戰。知盛重衡拒東門。貞能等

惡七兵
衛景清

莊次郎

岡部六
弥太

拒西門。而資盛有盛師。盛等以兵七千守北山。義經以萬騎夜襲之。我兵大敗走。資盛愧之。獨奔屋島。宗盛令諸將代之。皆憚往。教經請當之。即夜與通盛盛俊往守北山。範賴至東門。土肥實平等至西門。藤原景清等力拒西門。敵不能入。重衡知盛又擊東門。敵卻之。已而義經自間道來襲。縱火。城卒陷。重衡西走。東人莊家長追射其馬。馬倒。其騎騎副馬。重衡呼而取之。騎爲不聞走。重衡欲自殺。遂爲家長所獲。忠度亦爲岡部忠澄所追。忠度給曰。吾東兵也。忠澄曰。帽而涅齒者。非東兵也。忠度返鬪。搏忠澄伏之。三刺之。

莊四郎

不入。忠澄僕來。終為所殺。忠澄檢其鎧。得歌稿。因知其為忠度也。經正走過大藏谷。莊高家呼而求鬪。顧答曰。吾羞與若鬪也。高家怒逼之。經正下馬自殺。其弟經俊及通盛。業盛。師盛。清定。清房。盛俊等皆死。通盛妻聞其夫死。投海而死。教經航赴淡路。宗盛奉帝于舟。諸敗兵爭舟而溺者無數。知盛初為武藏守。國人識而追之。垂及其子知章時年十七。遮鬪斬其一騎死之。知盛得間而遁。下馬上舟。舟隘不容馬。則北馬首鞭之。馬躍上陸。田口成能曰。良馬也。與其獲於敵。寧射殺之。知盛曰。吾由此免。不忍殺之。馬望知盛

武藏守

知盛

知章遮鬪

而死年十

七

馬望知盛

三嘶

子死以救
父父棄子
而走

大夫敦

盛

熊谷二

郎

敦盛笛

三嘶。終為義經所獲。知盛謂宗盛曰。子死以救父。父棄子而走。使他人如此。吾當唾其面。今吾為之。謂之何哉。因歔歔流涕。敦盛亦與知章同齡。望知盛舟馳之。為熊谷直實所獲。是日直實冒曉向西門。聞城上有笛聲。及獲敦盛。見其腰插笛。念嚮所聞者是也。乃請首於義經。并其笛。歸之。經盛。義經以諸首虜歸獻法皇。法皇使人諭重衡曰。女貽書宗盛。使効神器。則宥女死。放還屋島。對曰。臣宗世建勳王家。而子孫卒為君所棄。以至於此命也。勝敗豈關臣一人。臣不才至為纍囚。假令生還。將何面目見宗族哉。宗族亦必

不肯以臣易神器也。雖然臣不敢不奉勅。乃作書從院宣使至屋島。時子得書悲泣。欲聽之。知盛執爲不可。教宗盛作答表曰。謹領宣旨。通盛以下既授命矣。重衡豈獨欲生哉。至若神器不可須臾離聖體也。陛下尙思貞盛。清盛遺勳。則辱枉龍駕。臨幸西州。臣等護以西南四道兵。以討亂賊。不者。臣等有赴三韓契丹而已。不能奉命。平時忠捕院使。劓而遣之。法皇怒以重衡附賴朝誅焉。賴朝檻致之鎌倉。延見使梶原景時將命。來跪重衡傍。重衡不肯聽。遙語賴朝曰。重衡至此命也。公尙記先人之德。則請速賜之死。賴朝

梶原平三

狩野介乃屬之狩野宗茂。具湯沐。令姬千手侍浴。因問其所欲。重衡欲削髮。賴朝不許。因餽酒。遣千手及工藤祐經佐之。祐經搥鼓。千手彈琵琶。重衡屬杯。千手朗吟曰。燭暗數行虞氏淚。夜深四面楚歌聲。賴朝微行。側耳戶外。聞而憐之。更遣名姬伊王。與千手更直。明年六月。以南都僧侶請。斬于奈良坂。二女皆削髮爲尼。云。初重衡之虜入京師也。維盛妻孥在京師。聞三位中將被虜。意其維盛也。使僕視之。非也。然見師盛首。則憂恐。維盛在屋島。亦懷家不措。是歲三月。間出之京師。途梗弗達。於是赴高野山。偶值其舊臣爲僧者。

狩野介
工藤左衛門

燭暗數行
虞氏淚
夜深四面楚
歌聲
明年

日本外史 卷之六 平氏 三十一 賴朝載反

唐皮甲小
鳥刀
小鳥拔圓
二刀

弥平兵
衛宗清

語之以情。曰：先君嘗德賴朝，內府以故猜疑。比吾於賴盛，吾故遁至此。欲一詣熊野祠，赴水而死。乃與俱詣焉。投那智海死。豫命隸人還告資盛曰：唐皮甲、小鳥刀，在貞能許，公宜取之。萬一事平，幸傳之我兒。初平氏有小鳥拔圓二刀，例傳嫡長。至忠盛傳小鳥於清盛，傳拔圓於賴盛。二家自是相惡。賴盛於是在京師。是歲五月，賴朝以書召之。且曰：必攜宗清。賴盛即東行。宗清不肯從，曰：臣非不辨禍福，獨不愧西海諸公舊僚乎。乃送賴盛至近江，辭而西。來至屋島。是月，貞能弟貞繼起兵伊賀，應平氏，集二百人，襲破州守。

屋島之戰

高松

護大內惟能，遂入近江，與源秀義戰而斬之。已而為惟能所敗，死之。世呼曰：三日平氏。平氏欲復山陽道。九月，行盛以兵二千屯兒島。範賴以十萬騎來攻。我軍敗還。宗盛以下日悒悒不樂。知盛曰：吾嚮欲守京師，公等不從，今終如何。宗盛莫以應。明年春，知盛城長門，引島扼門司關。又遣兵擊破土肥實平於備前。復兒島，又擊破河野通信，斬其族黨百六十人。劾首屋島。宗盛檢之。時聞源義經自阿波來攻，而未得確報。明日望高松里火起。田口成能曰：敵來襲也。請急御舟，令將士拒于陸。從之。義經果襲至，我兵能拒。義

景清攫美
尾屋十郎
鉦

次郎兵
衛盛嗣
江見次
郎

經縱火行在。我兵盡上舟。海陸交射。景清上岸挑戰。美尾屋十郎者來鬪而走。景清追攫其鉦。鉦斷。挂之。薙刀。掀而呼曰。吾景清也。盍來決死。敵莫敢近。我兵踵上大戰。佯卻上舟。以誘致義經。幾獲而逸之。宗盛召教經曰。我兵數逸。義經。義經兵不過數百騎耳。煩公一戰。教經乃與盛嗣。景清等三十人。迫陸而射。教經勁弓長箭。射殺敵精騎數十人。會日暮。義經退軍。高松。教經軍屋島。欲夜襲源氏。盛嗣與江見盛方爭先徹曉。不果襲。天明。義經以七千騎來攻。我三十人步行持短兵接戰。敵騎披靡。教經因射之。戰終不利。

壇浦之戰

遂上舟而退。熊野湛增。河野通信等。盡屬源氏。源氏軍日盛。平氏奉乘輿避于志度。義經復來攻。乃退保引島。已而長門周防。悉應源氏。乃赴箱崎。聞範賴以大衆在豐後。則旋泊于壇浦。源氏軍充塞海陸。兵艦三千。四面來攻。我有五百艘。知盛立船首。謂諸將士曰。勝敗之決在於今日。汝輩有進死。毋退生。一心戮力。必獲義經而後已。景清盛嗣等爭願決戰。田口成能潛通款於敵。知盛謂宗盛曰。士氣奮矣。獨成能可疑。請斬以徇。不聽。固請。宗盛乃召成能勗之。成能唯唯。知盛握刀目宗盛。宗盛終不能斷也。已而大戰。我

兵奮擊。東軍數卻。成能降義經。告之曰。平氏徙帝於
兵船。徙兵於帝船。欲誘敵而夾擊之。義經知乘輿所
在。合軍疾攻。知盛乃赴帝船。諸嬪迎問狀。知盛大笑。
曰。卿等當睹東國男兒耳。一船皆哭。知盛手掃除船
中。盡棄汗穢物。時子乃抱帝相約以帶。挾劍璽。出立
船首。帝八歲。問時子曰。安之也。時子曰。虜集矢於御
船。故將他徙也。遂與俱投海死。皇太后繼投。東兵鈎
其髮獲之。行盛有盛聞之。皆力戰死。教經驍名素著。
敵爭欲獲之。教經殊死戰。殺敵無數。知盛呼曰。公盍
早自爲計。多殺雜兵。毋爲也。教經曰。中納言欲吾與

當睹東國男兒耳 二位尼

太郎家 村

三郎左衛門景經 平内左衛門家長 壽永四年三月廿四日也

義經決死耳。乃進索義經。卒與之遇。教經免胄。撒鎧
袖。躍入其船。敵兵遮鬪。輒搏什之。直逼義經。敵中有
安藝家村。力兼三十人。率二力士。進當教經。教經蹴
什其一人。挾二人投海死。宗盛與清宗不能自裁。從
士擠之海。洄而遁。敵兵鈎獲之。藤原景經。景清從弟
也。見之曰。奴輩敢辱我君。進斬一人。中箭死。知盛聞
而切齒久之。曰。吾可以死矣。與教盛皆自殺。平家長
等八人殉之。時壽永四年三月廿四日也。經盛資盛
皆遁。已而自殺。宗盛父子與皇弟。皇太后。平時忠以
下。從義經而東。有命徇宗盛以下于京師。宗盛自輿

平氏 賴氏藏

易傘工男
兒

中四望。清宗不仰視。既罷，皆拘于義經第。宗盛不解衣，寢以袖庇。清宗守兵見而憫之。五月，送於鎌倉。賴朝廷之前舍，隔庭相見。將命者至，宗盛悚然請宥死。賴朝措魚于俎，加刀焉。示之，諷使自殺。宗盛不曉其意，又送還京師。至篠原，父子別拘。知將被殺也，乃請僧稱佛曰：吾不死於壇浦，以有清宗故耳。於是皆被斬。宗盛有次子，曰副將。先斬于京師。初，壇浦之敗，時子謂衆曰：宗盛非故相國之子也。吾之再妊也。相國期其生男，而女生焉。吾恐相國恨怒也，密使人易之一傘工男兒，宜矣。其不若重盛，以至於此也。宗盛既

丹後侍
從忠房
上總介
忠清
筑後守
貞能

死。時忠等皆處流。時義經與賴朝有隙，逃奔西海。賴朝恐其與平氏遺黨相依託作亂也，遣北條時政于京師，購索平氏胤子伏匿所在者，幼孩生理之，稍長者刃之。其母若保，徃徃隨死，啼哭四聞。維盛子曰：六代依其母，匿大覺寺側，為人所告當斬。其乳母因僧文覺請宥。賴朝素重文覺，且思重盛德已也，特宥之。削髮為文覺弟子。及文覺圖不軌，六代坐死。初，維盛弟忠房遁壇浦，匿紀伊。知盛次子知忠，當族人西奔時，甫三歲，乳母子紀友方，攜匿備後。後徙伊賀。平氏舊臣藤原忠清，先宗盛一年見捕斬。平貞能削髮奉

上總五郎兵衛

忠光

嵌魚鱗于

眼以為眇

上總七郎兵衛

景清

越中次郎兵衛

盛嗣

盛嗣

紀二郎大夫方


重盛骨隱於常陸忠清二子忠光景清與平盛嗣等潛匿各處後八年鎌倉有土木事賴朝臨焉忠光雜役徒欲刺賴朝嵌魚鱗于眼以為眇荷畚出入賴朝見而恠執之懷利刀曰平氏臣忠光欲為故主復仇究問其黨曰獨有盛嗣聞前在丹波不知今何之不復言絕食飲月餘死賴朝大索天下無所獲後五年知忠自伊賀還入京師匿于法性寺側盛嗣景清聞之皆至諸舊臣稍稍來屬謀襲賴朝妹婿藤原能保能保覺之令兵圍攻我兵二十餘人亂射殺敵而死知忠與友方俱自殺盛嗣景清遁走聞忠房在紀伊

八田右衛門尉

往歸之舉兵據湯淺城為熊野別當所攻破忠房被捕殺盛嗣景清又遁會賴朝慶東大寺景清雜眾中欲刺之事覺被捕屬之和田義盛義盛苦其不遜也辭之乃屬於八田知家景清終不食而死盛嗣變姓名仕但馬人氣比道廣為其虜卒因通其女每浴馬為馳射狀道廣知其盛嗣而不問既而隨道廣如京師遊故妾家妾家告之源氏乃令道廣捕之道廣遣力士數人候其浴圍之盛嗣罵曰奴輩吾欲遁即遁而不欲累主人出而就縛賴朝面讓之曰盍死於壇浦對曰欲擁一平氏胤以復舊業耳又問曰聞汝依


義經有諸盛嗣曰否也嚮在京圖判官而不遂爾來頗儲利刃銳鏃欲一試之於將軍之身遂被斬外史氏曰自我先王之開國也非無僭亂之臣也而未有謀危社稷者獨有一將門焉而出於平氏豈非其宗之大恥哉然能討滅之者亦出於平氏焉則足以相償矣且自將門一伏誅而後世無復覘視神器者可謂彼以其身標天下大戒也抑使將門得一檢非違使則未必甘為反賊故天慶之亂皆相門驕傲壅塞上下之所致也當其無事也籠朝廷名爵於私門而不恤人之失職及其急也乃遽揭朱紱呼號天

下使天下英雄有以窺朝廷後世源平爭起以功邀其上者焉知其不基於此也世稱清盛功不償其罪舉不臣者輒以為稱首而不知相家不臣已什倍清盛清盛蓋視而學之否則何遽至此詩云唯其有之是以似之自相門之專權也后皆其女天子皆其女所生而卿相皆其子弟親屬苟非其族類鋤而去之雖皇族不能免焉甚則易置其主猶視奕碁清盛所為無一不似彼已氏者而加以驚悍其意曰以無功之人猶擅權寵如此吾之有大造於王室何為而不可世以其拔興之無漸群起咎之而不言有為之師



者焉。且清盛所以至此。由後白河帝養成其勢爾。夫名爵公器。不可私用。人臣而私名爵。是負其君也。人君而私名爵。是負其先王也。帝濫授先王名爵於清盛。籍以濟其私焉。而長其負功邀上之心。至於不可制。將誰咎哉。雖然。成平氏之勢者。不獨始於帝也。初忠盛受寵於白河鳥羽。連進官爵。人以為不次。蓋朝廷倚其力。以抑源氏。抑源氏所以殺相家之權也。源氏自滿仲。賴光。每為相門之爪牙。攝政兼家之驕花山也。源賴信實捍衛道塗。降至文治之際。朝廷疑關白兼實之助。源賴朝亦非以其世相黨援哉。由是觀

之。延平宗以抗相門。院政國論。所相傳承。其猶寬平之擢任菅氏耶。文武雖異。其意一也。以菅公之賢。猶不能無戀權之意。平氏除重盛之外。皆不學無術。其矜功擅寵。進不知止。曷足尤焉。假設重盛後父而死。盡反其所為。戒飾子弟。輔翼王室。則雖接踵比隆於藤原氏可也。而源氏何資以起哉。源氏名為治暴亂。而其實攘竊王權。源平之罪。未易輕重也。且夫源氏猜忍。骨肉相食。孰與平氏闔門。至死不失懿親耶。世傳平語。倚琵琶演之。其音悲壯。感憤聽者莫不悽愴。余嘗西遊長門。過壇浦。觀平氏覆滅之處矣。又抵肥



後聞其州有五家山。山谷深阻。平氏或竄匿焉。子孫至今猶有存者。不與外人交通云。夫平氏於王家功罪相償。天不必勦絕其後。則是其或然也。

外史氏曰。王權之移於武門。始於平氏。成於源氏。而基之者。藤原氏也。故略叙王室相家之系統。以備參觀云。蓋神祖而後三十九世曰天智。是爲中宗。天智子大友卽位。而天武以叔父篡立。傳之持統。文武。元明。元正。聖武。孝謙。帝大炊。凡七世。而天武之嗣絕。光仁以天智孫入繼大統。傳之其子。是爲桓武帝。桓武三子。平城。嵯峨。淳和。兄弟相及。仁明以嵯峨子繼之。

文德以仁明子又繼之。文德幼子。以藤原氏故。立卽位。是爲清和帝。清和子陽成。爲藤原氏所廢。光孝以文德弟代之。光孝而下。宇多。醍醐。朱雀。村上。父子相繼。村上之子。冷泉。圓融。兄弟相及。花山以冷泉子繼。圓融。一條以圓融子代。花山。三條又以冷泉子繼。一條之子。後一條。後朱雀。兄弟相及。後朱雀而下。後冷泉。後三條。白河。堀河。鳥羽。崇德父子相繼。崇德而下。詳於源平語中。崇德而上。至於文德。廿一世。其非藤原氏之出者。宇多。後三條而已。故皆計抑其權。而在位不長。莫能遂志。然宇多以後三朝。不置攝關。

政在天子。白河以後已辭位而猶聽政。政在上皇。其餘皆仰藤原氏之成。而其擅政始於文德云。然余謂藤原氏驕專其來久矣。非獨始於文德時也。兼足助天智。効力王室。其子不比等爲四朝元老。文武聖武。並娶其女。而孝謙其外孫女也。而皆淫縱。惠美押勝。嬖於孝謙。殆危國家。實不比等孫。則其家法可知也。其後光仁。桓武。仁明。獨不出於藤原氏。而自平城至文德。又皆其出。文德外舅。左大臣冬嗣。爲不比等四世孫。冬嗣之子良房。又納女文德。生清和。文德欲立長子惟喬。而憚良房。遂立清和。則藤原氏之威。懾人

主非一日。又可知也。清和生九歲卽位。良房以外祖攝政。其子基經廢陽成。立光孝。關白萬機攝關之號始此。基經二子。時平。忠平。忠平攝政於朱雀之朝。與其二子實賴。師輔。並列三公。於是乎有天慶之亂。冷泉二弟爲平。守平。村上欲立爲平爲冷泉儲貳。而實賴等以其非藤原氏出。沮之。而立守平。是爲圓融。於是乎有安和之變。師輔三子。曰伊尹。兼通。兼家。兼家三子。曰道隆。道兼。道長。皆兄弟爭政。伊尹女生葦山。兼家女生一條。故兼家令道兼。兼葦山遜位。而以一條代之。是其最甚者也。後一條而下三帝。皆道長女

所生是其最極寵榮者也。道長二子賴通、教通相繼執政。而賴通生師實。師實生忠實。忠實疎其長子忠通。而愛少子賴長。於是乎有保元之禍。忠通三子。基實、基房、兼實。基實生基通。基房生師家。兼實生良經。更執朝政於源平之際。其論議可觀者。獨有兼實。他充位而已。其後一姓分爲五派。更爲攝關。而其進退。皆不復關天下事。不足錄也。總之良房而下。奕葉秉鈞。大抵務營私門。不以國家休戚經心。而當其爭權。父子兄弟。且不相保。奔競從諛。舉朝成風。宜乎大亂之基於是。而其終與王室俱衰。共頽。徒存空名。可不

哀耶。外史氏曰。吾閱史有知王霸所以廢興也。源賴朝嘗奏大江廣元。爲廳使衛尉。攝政兼實議其不可。曰。非儒家進仕之例。嗚呼。以門閥爲賢。以格例爲政。驅其才俊。以資梟雄。而猶不覺悟。爭此區區。兼實且然。其他可知。向使相家有憂國之心。通變之畧。何患於王權之外移邪。顧嚮者天慶之亂也。亦由藤原忠平之不許廳使於平將門也。久矣哉。相家之沈滯豪傑也。抑將門欲自與也。而以得失爲榮辱。賴朝欲與之。其下也。而不以從違爲損益。又可以觀世變矣夫。

日本外史
卷之一
終

日本外史卷之一終

